

1909-1910 年

第 19-58 期

R
494.405
180



3 1515 2867 0

宣統元年

正月至十二月

十九期至四十四期

合訂本



1909
11-44

特 告

●同志諸君鑒 此次會議。籌立社址。到會同人。均極贊成捐借并行之議。至是認爲認捐者。皆踴躍從事。惟是日到者雖占多數。而未到者尚有十餘人。一時按名捐借。固屬難事。同人乃議散會後。由社長函達未到會同志。續行捐借。此事與本社前途。同人等。均極贊成。發達。商業振興。人羣進化。均有密切之關係。社址一立。則事成其半。然捐借爲社址之要務。我同人義無可辭。未到會諸君。想熱血滿腔。定能鼎力捐借以繼其後。謹佈區區。諒蒙俯鑒。如有捐借者。請早爲函達。俾易集事爲盼。

正副社長同啟

●同志諸君鑒 是年社書公議增加篇幅。撰述各員亦議增舉。蓋本書爲本社機關。本書發達。則本社必隨之爲轉移。同人慎重本社前途。故極意謀所以擴張之。惟一二人之知識有限。合數十人之知識則無窮。此次會議。所以有每同人必須撰一商業稿之議。後卒定爲同人各聯本行以共述一稿。先由編輯編定函達。即照舉行。鄙人等以事闕社書內容豐滿。同志商業研究。不得不先爲佈達。甚望同志刻意採訪。各抒所見。隨時函惠。是所切禱。社書止副編輯同啟

本 社 聞

●本社第三次議案照錄 己酉正月初五日爲本社第三次大會期。假座下九甫徽州會館。是日到者四十四人。來賓十四人。臨時公推俞君懋儔主席。呂君襄武李君笑演書記。潘君貞廉宣佈。何君貫俠陳君草澤糾儀。潘君仲遠范君鳴石招待。盧君偉民庶務。先由宣佈員宣讀會場總則。隨宣佈提議五條。獻議八條。茲將議案錄下。本社提議(一)本社尙未有確實社址。辦事殊多窒礙。應否照社書第十六期所登何君少海。及第十七期所登楊君敏達所議辦法。擇善而行。抑應如何籌立之處。請議決。衆議宜取捐借并行。及月捐之法。計現

正月初十日出版第十九期

(一)

到會同人。共認捐銀二百二十五元。認借一百一十元。認月捐五毫。捐借兩項。合計認得三百三十五元。雖連同現存社款及本年應收之基本金。置買社址。頗嫌狹隘。決議暫

行將款放出取息租地作址

俟日後款項充足。再議置買。捐借之款。統限本年二月底交清。(一)各社員基本金。現屆應收第二期。應否限期一月內交清。以後

第三四五期應否照限交收。其繼續入社各員之基本金。亦應否照此期限輪計交收之處。均請議決。眾議同人捐借之款。既定二月內交清。若第二期基本金。亦定一月。恐同人

力有未逮。決議**第二期基本金限期本年五月初五日以前交清**明年應收基本金期限當俟再議。(一)社章原定正月初四日為大會期。現因初四日各渡船多

未敢行。恐遠處社員難於趕赴。故暫由社長改期為初五日大會。以後正月大會期。應否照改之處。請議決。眾議以後**每年正月大會期應改在初五日**(一)本

社書全年經費。各社員每月認捐之數。是否照前。抑有增減。請即認定。其未到會社員似

應由社長通函請認。如何請議決。(眾議應即當場認定月捐之數。其數另列)其未赴會同人。由社長通函請認。社書格式。照前**加增兩頁月出兩期**每年送回華昌

代派社書鞋金銀二元。(一)社員陳公奮。查有無故向同人稱貸。言詞閃爍跡近可疑。并查得其在鄉有偽造會簿誣騙情事。又社員張杜清。查有烟癮宿娼情事。一則自行函

辭。一則致函不覆。均與社章第七條違背。應否遵照社章第十條斥逐出社。請議決。(眾議陳公奮既自函辭。有無敗行情事。姑勿深論。着**准其自退出社**張杜清既有敗行

情事。且致函不覆。是於本社情誼已絕。應行**斥逐出社**(何貫俠朱典五會同獻議)

(二)千益會之有益於本社。經見社書第十六期所登鄙人等之言論。究應如何踴躍籌辦之

處。請議決。(眾議現在同人力恐未逮。且社址未立。籌辦甚**難應俟日後再議**(潘

貞廉呂襄武會同獻議)一選舉職員票。須於每年七月大會前派送同人。其票宜加蓋本社

總章以杜弊混。又祇宜填寫被選舉人姓名。不填選舉人姓名。以泯嫌疑。如何請議決。衆議選舉票宜加蓋圖章。先期派送。惟票內被選舉人姓名均宜填寫。以杜混舉流弊。(一)社員漸衆。社事日繁。宜添舉本城調查員二人。佛山調查員一人。以後無論何處地方。凡有社員五人以上。即應舉該處調查員一人。以爲分社預備。如何請議決。(衆議香港亦爲一繁區。宜并加舉調查員。隨暫先添舉范君鳴石朱君典五爲省城調查員。陳君禮甫爲佛山調查員。呂君福田爲香港調查員。七月大會時再行票舉。)(一)本年社書宜添舉副編輯一人。撰述四人。編輯撰述各人。均應明定任期。屆期再舉。如何請議決。(衆議編輯撰述各人。定以一年爲任。每年正月大會時推舉。隨舉定呂君襄武爲副編輯員。潘君貞廉何君寶三鄺君拔民麥君儉臣爲撰述員。)(一)凡以後介紹入社之員。須先期登書佈告以備同人調查。如無同人許其違碍社章。方能作准以昭慎重。而補調查員耳目所不及。如何請議決。(衆贊成)(一)社員身故後辦法。及報酬捐款者辦法。應否照社書第十三期所登鄙人等之談判而行。或照社書第十七期所登之尤君堅操辦法而行。抑另有良法。請議決。(衆議此條固關重要。亦須詳明。當俟日後再行詳議。總之本社主義以公益爲歸宿。以營業爲手段爲合。)(潘貞廉獻議)(一)本年社書宜月出三期。各同人每月各須訪述商務一則。無論某處某行興衰隆替。及出產轉運之可謀利者均可。使社書儼然成一商業報之影子。如何。請議決。(衆議須由編輯員擇同人中之同業者。致函令其會同同業述出商務一則。月寄編輯處採登社書。以爲商業上之研究。)(呂襄武獻議)(一)社章第十五條尙覺欠妥。似應將此條中之銀兩放出揭入。須并由正副社長分別核明簽字兩句。改爲銀兩放出。須由正副社長核明。如屬急需。須告由正副社長將需揭理由。佈告社員。方得揭入。揭單內并由正副

社長簽名作實。似此可杜營私之弊。如何請議決。(衆議本社主義。在乎公益。毋庸揭入。應將社章第十五條內揭入二字刪去。杜弊方能清楚。若營業時需揭。當另有營業章程訂定。)是期因來稿太多篇幅不敷會議詳情容俟下期續錄)

●同人赴會之踴躍 此次會議。先經各職員會同俞君愷儔預日布定會場。是日同人到者。尤堅操。梁英生。潘仲達。呂襄武。何少海。潘貞廉。盧偉民。俞愷儔。何貫俠。陳草澤。楊敏達。勞沛然。范鳴石。李笑演。朱典五。吳景山。徐焯南。陳鏡湖。潘民悅。鄧苑香。鄧殿香。楊子江。胡德聰。鄧鑑清。蔡公復。陳暖初。盧拔茹。盧君典。蔡福三。吳楚葵。吳煥乾。鄧拔民。陳立漢。陳禮甫。鄧秀枝。盧福海。麥儉臣。黎夙永。蘇永熾。蘇伯鏗。黃曉閣。陳錫如。鍾贊朝。連俊儕。共四十四人。來賓則有陳文芹。朱佩琳。劉傑。陳實來。彭懷訓。陳伯裘。盧慶蕃。陳逢慶。(馬齊商務分局董事)麥達天。曾森庭。(三曹哨官)邱紀元(水師教員)姚煜文。曾燃藜。高源柏。諸君。亦足見同人赴會之踴躍。來賓參觀之盛矣。

●籌辦社址之熱度 社址之關係。夫人而知矣。此次會議。首先提出。均主張捐借及月捐。計到會者四十四人。一舉而得三百餘元之鉅款。亦足見同人熱度之漲矣。計當場認捐者。麥健臣二十元。何少海。盧偉民。梁英生。何貫俠。范鳴石。朱典五。陳鏡湖。尤堅操。各十元。俞愷儔。勞沛然。潘仲達。李笑演。徐焯南。鄧殿香。楊子江。陳暖初。蔡福三。吳楚葵。吳煥乾。鄧拔民。蘇伯鏗。陳錫如。連俊儕。各五元。蘇永熾。鍾贊朝。各四元。呂襄武。潘貞廉。陳文田。楊敏達。吳景山。盧拔茹。陳禮甫。各三元。潘民悅。鄧苑香。胡德聰。鄧鑑清。蔡公復。盧君典。陳立漢。鄧秀枝。盧福海。黎夙水。各二元。黃曉閣一元。共捐得銀二百一十五元。當場認借者何少海二十元。楊敏達十五元。潘貞廉。潘仲達。陳鏡湖。鄧拔民。各十元。呂襄武。盧偉民。陳文田。吳景山。鄧苑香。鄧殿香。吳楚葵。各五元。共借得銀

一百一十元。當場認月捐者。俞禮儀。每月五毫。其未到會同人。當由社長通函請認。拉周君寅初認捐銀五元。未認者想亦必樂助社址之成也。

●認書費詳列 本年社書擬加編幅。非仗同人熱力加捐書費。恐難達目的。計同人認捐本年每月書費者。俞禮儀。勞沛然。麥儉臣。何貫俠。蘇伯鏗。蘇永熾。各五毫。何少海。四毫。盧偉民。盧福海。尤堅操。徐焯南。朱典五。潘仲達。楊子江。楊敏達。呂襄武。李笑演。陳錫如。潘貞廉。各三毫。鄧殿香。二毛五仙。陳鏡湖。陳草澤。陳暖初。吳煥乾。吳楚葵。梁英生。陳禮甫。范鳴石。黎夙永。吳景山。鄧苑香。各二毛。蔡公復。一毛五仙。潘氏悅。陳立漢。盧拔茄。胡德聰。鄧鑑清。蔡福三。鄧秀枝。盧君典。黃曉閣。鄺拔民。各一毛。其未到會同人。當由社長通函請認。拉周君寅初月捐銀二毛五仙。未認者諒亦不至放棄義務也。

●入社十誌 去年十二月三十日由陳君鏡湖介治黎君耀生（年二十六歲順德昌教人）與省興隆東協安銀啤郵寄同）入社。經調查清楚。社長認可。照章先交基本金二元矣。按第三次大會。由潘君貞廉呂君襄武獻議。謂凡以後入社之員。須先期登書佈告。以備同人調查。當時經衆贊成。今陳君介紹黎君入社。係在未經會議之前。故仍舊例。若以後入社者。自當遵照第三次議案辦理也。

●入社候查 勞君沛然現擬介紹陳君奕南（順德馬齊鄉人寓同發襪貨號）岑君銘軒（順德少滘鄉人寓齊安利益山貨號）蘇君桂生（順德馬齊人寓馬齊宜豐酒米號）麥君仲英（順德馬齊人寓齊安恒豐酒米號）入社。按勞君辦事。極有能力。前數年發起創辦順德西淋學堂。（該學堂現為順德最有名譽者。）獨力支持數月。始克成立。而勞君復於商界上大有聲譽。年前發起馬齊商務分局。故被舉為總理。此次所介紹之四君。均為該分局局董。并聞勞君力持抵制外溢主義。所御用者。均屬土貨。又能破除陋習迷信等事。於所開辦之店舖

先實行之。該店爲鄉僻所僅見者云。勞君智識行事。於此可見一斑矣。又由何君少海介紹陳君寶來（號汝佳新安沙井鄉人住珠帽岡財神廟前廣來紙店）入社。除專員調查外。今特遵照第三次議案。先期佈告。

●社款進支誌略 職員舉替。在於七月。會計員所管社內進支各數。例須七月大會宣佈。此次會議。故未及之。茲特將去年七月至年底數目略述于下。（進基本金銀三十八元。進捐款一十八元一毫五仙。進書費銀六十一元一毫。進和隆還回揭項銀一百元。另息銀一十二元三毫。接上存銀六元九毫五仙。共進銀二百三十六元五毫。）支文茂印件銀六十八元一毫。支襍項銀一十六元二毫。支華興揭項銀一百三十七元八毫五仙。（按此項於去年十二月廿九放出訂用一月月息兩二）共支銀二百二十二元一毫五仙。）除支存銀一十四元三毫五仙。

●已交籌立社址款項者初誌 籌立社址。當蒙到會同人認定捐款借款。議定期限于本年底交清。茲慮君偉民。潘君貞廉。呂君襄武均已各將認定捐借之款交清。掣回收條矣。●已交去年書費者補錄 去年認捐書費各同人。多已交清。經登前書。自登書後而續交者。則鄺君拔民。徐君焯南。連君俊倩。已交而漏登者。則蔡君福三。餘未交者僅二人耳。●映交相片十二誌 同人入社映交相片。原取便於預認。且現在社址將立。則交相更不容緩。所以便認識而符原議也。茲鄧君苑香。胡君德聰。均各遵照將相片交存社長處矣。●此守互相維繫宗旨者所應有事 社章第三十七條定以社員如有失業。當由各社員守定互相維繫宗旨。竭力推荐。所以盡同人之義務也。黃君曉閣。自去年辭出華彰。現尙賦閒。聞黃君去年又丁父憂。以致家累愈重。黃君力欲謀一商場營業。無論薪水若干。當何職位。均所樂就。又黎君夙永。今年亦未謀有職業。蔡君公復雖由呂君襄武荐在總商會報

校對日稿。亦屬一時習性。現爲別人竊換。終必不安。之二君者。均有可用。宜於商場。現在歲首。席位更張。凡我同人。必宜力爲選章推荐。一以慰三君之心。一以盡個人義務。協羣宗旨於是乎在矣。

●是真能守互相維繫宗旨者 連君俊儕去歲在宜豐銀號充當掌櫃。本年由太平街和安銀號聘往。升當行街。連君深念同人梁君訓芳尙在賦閒。故力爲援引。荐在和安同事。請將同人錄住址照改。願望同人一如連君之能盡義務也。

●職員告假旋里 調查員陳君草澤。於本月初六日告假旋里。不日返省。又何君貫俠於本月初十日告假旋里。擬於二十間上橋。月底返省。所有職任內事。均已交托新調查員范君鳴石朱君典五辦理云。

●購書初誌 本社去年全年社書經已補印釘裝成帙。定價一元。該款撥歸本社。茲何貫俠購書一本。已將價銀交會計員照收矣。

●社款收入放出瑣誌 去年所收得之基本金。及舊存社款。經於去年四月下旬托尤君堅操放與利隆晒地。訂用至年底止。月息一分五厘。去年尾復經收回由會計員轉放與萬興號。訂用一月。月息一分二厘。社款之能妥放而獲厚利者。尤慮二君之力也。

●正誤 去歲第十八期刊登入社一則。內鄧君鑑清。原是東安人。誤爲新安。合即改正。

社 說

祝本書一週紀念文

貞 廉

己酉之年。丙寅之月。適協羣商業研究社書出版一週之期。鄙人潘勁鵬忝屬社員一份子。因爲文以作紀念焉。

肇自商戰競爭。歐美則梯山航海。利權外溢。支那則力盡財窮。四百兆之同胞。獅虯

未醒。數千年之祖國。耄老無能。杯葛之義憤方騰。瓜分之勢情日迫。輓杜凌於風雨。良覺淒然。起買誼於長沙。能無怡絕。雖一治一亂。昆明無永劫之灰。而人謀鬼謀。精衛有願填之海。要之昂藏軀壳。詎容奴隸終身。矧具凜烈靈魂。忍視野蠻全部。此協羣商業研究社所由發起也。夫斜陽半壁。魯陽公猶揮返日之戈。漢祚三分。諸葛亮斬未興劉之策。今吾社三週組織。一旦功成。竭同志之精神。謀協羣之幸福。何異孟明伐晉。破釜沉舟。勾踐事吳。臥薪嘗膽。圖振興於目下。冀發達於將來。誰謂破缺漏卮。竟使媧娘乏術。凋殘商業。難施管子之才也哉。廼者環顧同羣。不少通人博士。曠觀全社。尤多劉晏宏羊。衆志成城。挽狂瀾於既倒。堅心如鐵。斬荆棘於富途。何愁變世態而末由。恨轉坤之無力乎。獨是同人異處。叙會難常。風馬風牛。遠隔瀟湘雲夢。天南天北。中懸華嶽衡峰。未消息之靈通。何協羣而研究。同人等怒然憂之。所以有協羣商業研究書之發刊焉。泊夫本書一出。鼓勵同人。聲氣應求。遐邇如親一室。言辭紀實。重要悉載全篇。論商場。論社事。統登社說。或選寓。或捐款。備首佈社聞。小說諧談。盡是借來警鐸。謳歌雜著。無非移作晨鐘。餘如實業專科。儘堪責識。更有調查新法。盡屬精詳。首執一篇。如入五都之市。案藏全帙。勝儲萬卷之書。莫謂社力纖微。車薪杯水。盡使同人懇摯。涓滴成河。湧湧風濤。若擊祖生之楫。漫漫長夜。如燃溫燭之犀。他日脫穎毛錐。大舞臺中先捷足。騰光牛斗。渾圓球上獨昂頭。豈非大快于心之事也哉。僕也。自幼學書學劍。一藝無成。及長走東走西。片長莫擅。撫躬自問。抱愧奚如。筆禿江郎。謬集太冲之句。才窮曹子。懶書潘岳之文。惟願諸君熱力維持。圖謀遠大。更祝此書萬年紀念。出版依然。爰爲歌曰。祝吾社之發達兮。名震遐方。祝商業之研究兮。取精用良。祝本書之進步兮。爲邦家

光。祝同人之名譽兮。萬載流芳。

本社書一週年之感言

笑 演

昔賈長沙陳政事疏曰。抱火厝積薪之下。而寢其上。火未及然。乃謂之安。方今之勢。何以異此。夫漢之外患。不過一匈奴耳。漢之內憂。不過爲國危耳。匈奴強悍。有如豕突狼奔。非能制器尙象。以格致學問爲韜鈴也。國家阽危。有以君弱臣強。非爲民羣不立。昧商戰主義以自病也。今則俄瞰于北。法躡于南。英耽于西。日窺于東。而四鄰皆強敵矣。今則商業凋殘。財政瘡乏。團體不堅。知識猶稚。而四民皆困境矣。而詩小雅曰。如彼雨雪。先集爲霰。吾恐中國長此以終也。吾更恐吾民商業長此以終也。際此春王首祚。新歲初端。吾人斗酒雞豚。桃符炮竹。歌揚栢頌。喜誌椒銘。懽作舉蹈之中。其知所以憂懼危患者乎。吾請先述中國今日可怖之狀。

中國協羣主義之不講也久矣。寢假而後。恐不獨無三人以上之團體也。沙散貽譏。又安得免而不長此飲恨以終耶。然或者曰。歐洲之瑞士。一小國耳。考其人民。三百萬耳。考其疆域。一萬六千英方里矣。東有奧。南有意。北有德。西有法。是亦一羊而處羣狼之間也。中國之人民。百餘倍于彼。中國之疆域。二百餘倍于彼。彼且泰然作地球上之盟主矣。而謂四萬萬衣冠之族。四百餘萬英方里之國。乃危如朝露哉。答之曰。方壺圓嶠。瑤台閩苑。地不在大也。民不在衆也。居其中者。非仙子卽是神人。境外之凡夫。敬之不遑。誰敢侮之歟。若夫蓋野謬陋。晦盲獨塞。則名雖曰人。實爲牛耳。相提并論。豈不舛哉。田可養民。億萬頃焉。牛可代耕。千萬羣焉。荒而不治。野無人焉。則狡焉思啟者來矣。英之視澳洲。視加拿大。不若視印度之重者何也。曰。爲其牛多也。歐洲強國。不侵奪美洲。而瓜分非洲。覬覦亞洲者何也。曰。爲其

多牛也。夫投骨于地。衆犬趨之。失鹿于野。衆人逐之。又誰不知太平洋之西濱。崑崙山之東麓。有執矜子相闢于家乎。高標漢幟。以招外人。捷足者得之。于是日本恐其遲遲也。急造快船。俄羅斯恐其落後也。急築鐵路。英國預蓄健兒于印度。于緬甸。于香港。法國預移走卒于安南。虎視眈眈。其欲逐逐。皆思所以得之。時會一至。海波變血。邱墟變國。牛馬不足比其賤。奴隸不能固其位。嗚呼。吾不知中國人而知其野心勃勃否也。吾不知中國人而知將來可怖之狀之如此否也。

(未完)

對於此次會議之感言

少海

歲月如流。駒光瞬息。回首往歲之協羣社。我同人固多恐懼其沉落也。然展轉籌思。終未能實行一善法以爲興起者。乃至奔走討論。往返研究。焦唇敝舌所不計。耗精劫神所不論。此則同人對於往歲本社之熱心毅力也。及鄙人不諒識陋。貢出三事辦法。而同人紛紛賜教。以爲捐借二法并行。方易成立。于是一鳴衆和。均翹首于今春會議爲取決。殆昨初五日。社員畢集。來賓歡臨。開會提議第一事。卽籌立社址。鄙人既承衆意。復不量訥言。乃挺身當座。言社址不容緩辦。後此不爲。將恐有沉落之慨。且借捐并行。衡諸今日情形。猶爲適易。而同志諸君。公益爲懷。率以此法易行。衆皆鼓掌稱善。踴躍捐借。雲起水湧。一舉而集款三百餘金。嗚呼。吾社何來之幸福而忽至于此也。謂非皆吾同人熱心有以致之歟。

夫會社如一汽車也。藉衆人之資而成。賴各機之力而行。越山渡河。瞬息萬里。士商稱便。童叟驚奇。不數年而獲利莫可計數。愚者羣以爲汽車之神。而不知皆衆人之資各機之力也。使汽車橫亘道中。無爲駕駛。無爲修理。各祇袖手旁觀。則寢假而廢。寢假而傷。而人將謂爲廢鉄矣。故吾社同人。既身許本社。應熱心合羣。各盡己力。

籌議建設。務當使吾社收同人鼎力之效。一如汽車之得人資而成賴機力而行焉。則吾社前途。當未有量也。汽車能因此而獲利。吾社又何難不因此而獲益耶。是年會議。籌立社基。認借認捐。誠不能謂爲不熱力。而當日之未至未認者。尙有其人。然亦諒皆熱心吾社。必能鼎力贊助。踴躍前途。使同人得立社址。成此團體。集合熱力以發達前途。如汽車之驚愚駭俗。聲騰海外。則此次之會議。庶不負同人終日磨耗精神也。而勿以稍吝資力。而至駕駛無人。修理無人。如汽車之橫亙道中而不顧。任其廢壞。以貽譏于世則可矣。同人勉之。鄙人望之。

新歲感言

襄武

河山依舊。歲月維新。長此依人。仍然故我。大丈夫不得志於時。蹉跎復蹉跎。青年空負。對此新歲。感何如也。鄙人命生不辰。遇偏多阻。以故滿腔感慨。有觸即發。明知少年感暮。春人傷秋。大非所宜。而撫此年華。慨茲身世。實有不能自己者。嗚呼。去歲社書出世。鄙人即有悲生說之作。而今又一年矣。彌年不得意。新歲又如何。古人歎老嗟卑。因時咏遇。一何思之深而旨之遠也。今者。所謂爆竹一聲。桃符萬戶。逢人道賀。到處衣冠。夫非吾國之新歲乎。夫非吾國新歲之現象乎。鄙人心有所感。請得以新歲之於國事上社事上一已上之若何關係。若何狀態。分析言之。吾國自海通以來。利權喪失。貧弱日甚。黃禍之說。見妬白人。瓜分之禍。懸諸眉睫。對外之端。無不著着失敗。而謀國者。徒有圖強之志。別無圖強之智。枝枝節節而爲之。多見其未可也。今者所謂宣統紀元之第一年。所謂新主權登台之第二場。而圖強之點。乃專注于立憲。以鄙見論之。改革政治。雖爲圖強之一端。而要未足以探其本。何也。假令吾國現尙閉關自守。未嘗與外人通商。則政治雖仍前腐敗。貧弱必不如

是之甚。可知吾國貧弱。由於通商。既欲圖強。不於商務上注意爲之。是猶南轅而北其轍也。外國經濟風潮。漸影響於吾國。去歲天津上海牛庄漢口諸口岸。庄口倒閉。動逾數十萬。商界上日在恐慌旋禍。將愈湧而愈迫。若不急起直追。共圖挽救。本年商務。更有不堪言者。商務失敗。則國本以搖。此新歲之於國事上之關係。有心人所應日懸諸腦而弗置者也。

本社發起。丙午於茲。自去歲乃僅僅而有起色。及乎本年正月初五日大會。同人社會之衆。會場規則之整齊。研究社事之精詳。均爲會議以來所未有。此雖由於養成習慣。然不能謂非同人意識之進步也。又况籌辦社址。則捐借慷慨。維持社書。則財才均富。一時熱度之漲。熱力之雄。有非去年所可同語者。夫去年社事。僅一社書而鼓吹之耳。其進步之速。已自如此。若本年社書篇幅既增。社址既立。星期例會。更資研究。其進步之速。當難限量。鄙人竊嘗思之。璀璨前途。隱構腦際。大有足爲同人共賀者。自茲以往。我社發達。則商業以興。商業興。斯吾國富強之本以立。詎不於本年預卜之乎。此新歲之于社事上之關係。我同人所當有事者也。

孔子曰。後生可畏。焉知將者之不如今也。四十五十。而無聞焉。抑亦不足畏也矣。詩曰。白日莫閒過。青春不再來。又曰。少壯不努力。老大徒悲傷。凡所以勉青年者。無不至矣。鄙人生命之艱。已見諸鄙人去年正月之悲生說。舊事何堪重語哉。枯特則失諸早歲。長兄復喪已經年。淪落天涯。隻身作客。又不能於商界上佔一席之地。焉焉爲商戰陣上之馬前卒。徒此數字爲活。王粲依人。悵望前途。斷難翹首。大丈夫不得志於時之所爲。抑亦可哀矣。新歲乎。何他人遇之而爲一年功業發軔之始者。徒令我遇之而反生傷感之紀念。且怡懷身世。淪落又多一歲乎。志之不償。歲不我與。

所謂後生可畏。所謂青春不再。際此新年。無限擊刺。興言及此。感慨繫之也矣。此新歲之於一己上之關係。鄙人所以感懷所及而不能自己者也。人生數十寒暑。每歲必有其歲首。而一歲之首。乃適當新舊過渡之衝。所以統以往而紹來茲。胥於是焉。今新歲伊始。以言國事。則圖強致弱。在乎吾人。不覺悲喜之交集也。以言社事。則氣象蓬勃。一日千里。大有可喜也。以言一己。則青春空負。鬱鬱經年。實足自悲也。雖然。社事爲一國一己之樞紐。既大有可喜。則大而國事。圖強于是乎在焉。小而一己。得志亦于是乎在焉。所謂悲喜交集者一於喜。所謂實足自悲者反而喜。吾何悲乎哉。吾何悲乎哉。喜氣與年增進而己矣。

公益社祝詞

宣統元年。元月初五日。迺貴社大會議之期。羣賢畢至。賓主咸集。敝社特派專員到會參觀。欲獲研究之益。以便仿效之施。睹此規則文明。秩序雍穆。籌議慷慨。施設熱誠。不禁爲貴社前途祝曰。古人云。有非常之人。然後有非常之事。吾亦云。有非常之事。然後有非常之名。不觀偉人義士之見譽于古來歟。其救國甦民之力。有以使然也。吾國今日。商業靡敗。羣力緩散。能發大願力。集大羣力。聚大財力。爲前人所未爲。行今人所未行。如貴社同人之辦是事者。求之黃河流域間。吾恐黃河流域間無是事也。求諸大江流域間。吾恐大江流域間無是事也。力行現在合羣之主義。必達將來研究之目的。揮天彩旂。飄揚風際。駭夷之心。眩華之目。獨求之珠江流域間而得者。非貴社而何。自來非常之事。英雄造之。貴同人悍然行焉。非所謂非常人耶。則異日光輝吾國。名動全球。非所謂有非常之事。然後有非常之名耶。敝社附驥而行。望塵不及。參觀既竟。欣忭終日。祝之不已。歌然繼之。歌曰。美彼商業研究社兮。協羣爲其名。同人籌議建設兮。一舉而事成。在座諸君之熱

正月初十日出版第十九期

(十四)

心行事兮。皆共表乎同情。救國益民與商兮。義舉出于衆擎。創此社挺然以立兮。將必一鳴而人驚。豎異彩于地球上兮。誰敢與此而爭榮。噫嘻可欣羨兮。此日之經營。嗚呼可期望兮。他日之文明。

本社答詞

笑演稿

敝社今日會議。乃照章例爲集同人籌社事者也。憶自發起以來。形式精神。諸爲未備。改良建設。尙待舉行。社址未成。社款不足。開會發議。已自慙社事之不完全。正欲廣聚嘉賓。用匡不逮。貴社同人。以極熱之心。大同之志。惠然光降。爲敝社大增集思廣益。其幸誠蔑以加矣。乃又寵以嘉詞。美其祝語。以敝社現在之情形而膺此。不禁撫躬自慙也。夫非常之人者。實古今天下不屢見者也。而非常之名亦豈易言哉。孟子云。五百年必有王者興。其間必有名世者。天下雖待治于聖賢。而應天下而治者。實賴乎其時也。歐風美雨。大陸摧殘。商業人羣。行省零落。民窮財盡。外患內憂。處此阡危。固時勢造英雄。英雄造時勢之日。敝社同人擲起其間。欲先研究商業以與碧眼高鼻輩爲商戰之舉。挽已去之利權。塞未來之虛耗。謀其幸福。甦彼困窮。使我國勢同胞。蔚爲強富。亦意中所期許之事也。然而規模未備。發達未臻。同志無多。尙待招羅團體。址基未立。正爲建議綢繆。社書僅首次之改良。商業亦開端而研究。來詞稱許。實百未行其分。謂爲有非常之人有非常之名者。何敢膺其萬一耶。所願同志相求。兩社相倚。兢兢業業。各盡能力。務使目的而達。一雪獅駝沙散之羞。必求素願以償。盡洗老大病夫之誚。則貴社之所以祝敝社者。亦敝社之所以祝貴社也。謹答之以歌其詞曰。登崑崙之山巔兮。遠望中原。憫彼大陸之沉沉兮。吾心其酸。吾欲與貴社而共勉兮。兩體望團。盡同志能力之所及兮。醒喚國魂。

短篇小說 遊鏡

笑 演

新年。天氣清爽。春光明媚。事業未作。一人默然坐。手一卷。目注視不少瞬。心躊躇而口呢喃曰。初五。初五。正月初五。

一室皇然。妻坐理妝。傭婦檢香燭紙帛齋等干籃。婢則以小梳光髻。雀躍謂老嫗曰。吾隨奶奶出街。拜神。遊耍。爾則須司戶。嘻嘻。嘻嘻。而其人仍默然。

街聲嘈雜。鼓子聲。坭鷄聲。小蠶聲。買物聲。賣物聲。熙來聲。攘往聲。恭喜聲。遊花地聲。往城隍廟聲。去光孝寺聲。過海幢寺聲。竟鬧成一片喧聲。

其人靜坐一室。心房躍動。腦海刺激。頭垂至胸。目反視頂。形同木偶。狀似有思。噫。爲何事。爲何事。

剝唻一聲。門大啟。一少年昂然人。一身皆新。學士其鞋。線其襪。縐紗其長衫。緞其帽。其人愕然起。欣然喜。手揖而口道曰。恭喜。恭喜。

少年睨然視。目光注于其人之書。見頁中有數字刊特大。曰、正月初五日。心有所思。忽而悟。取鏢視之。時恰十二。笑語其人曰。君有事。吾請辭。然時已至矣。何尙未往。言已。欲行。

其人急止之曰。否。不然。吾何事。吾實有何事。坐。然吾卽有事。吾亦欲與子了之。少年曰。唯。姑坐。君之事。吾知之。吾非個中人。吾何能共子了之。

其人仰首視天而笑曰。新歲以來。今日最晴和。青靄。綺霞。泥融。沙暖。正門草尋芳時也。一人興淡。二人興濃。吾之事。故吾與子了之者此也。

少年視而笑曰。濃則濃矣。其如乏公益心何。吾與子了此事易。恐子與吾了此事難也。其人噲之曰。吾輩期年勤苦。皆賴此十數日之休息。君不見街道之往來人乎。爾云遊

花地妙。我云往城隍廟住。更有粉白黛綠者。長衫。花髻。革履油頭。紅綠彩白。擠擁馳騁。如芳烟蔓草中。萬顆燐火。五色眩目。又如深山窮谷裡。百羣狐妖。光彩迷人。真令睹者色授魂與。魄離神飛。吾滿意欲盡此十數日之興遊。以消此十餘月之積悶。且光孝睡佛。久聞其妙而未到。海澱花園。常欲一遊而未果。當此興遣香風。誰能悶坐終日。君豈尙未識其中趣耶。盍隨吾領畧滋味也。

少年曰。君意樂乎遊。亦是常情。然謂期年勤苦。皆賴此十數日之休息。此言是而又非。君其中事。吾知之稔。獨不思君之事。亦非時時可有者乎。一年之遊。可有十數日。而君之事。一年只有兩日。君滿意欲盡此十數日之興遊。以消此十數月之積悶。盍滿意盡此兩日之力以消此一年之事。然後以餘之日而遊乎。遊之日固不可負。而君事之日似亦不可負也。

其人忽瞪其目。結其舌。現紅轉白其面。少年視其顛見腦筋鼓動。似大受刺激者。知言中其窳。心怔怔然動也。于是相對默然。

外戶呀然開。司戶媼喜曰。奶奶回耶。奶奶回耶。吾已爲備茶矣。吾已爲備湯矣。婦慍曰。吾豈喚爾取茶湯者。予予而入。步艱甚。羞噴滿臉。妝亂甚。而備婦亦怨此行之不甘。婢則罵輕薄者之無禮不法。少年以其人之婦回。遂出辭。見其婦形狀。不覺竊笑且嘆。

其人見婦回。目擊怪狀。不覺頓足痛恨。始悔已不往辦正事而止婦于家。

笑演曰。春遊誠樂哉。男紅女綠。紫陌紅塵。而不知其樂每有不盡可者。可以止則止。可以仕則仕。孔子聖之時。所以爲萬世師表也。吾人立身行己。貴乎有當。一念偶差。萬邪俱伏。其人其事。特小焉者耳。君子于是乎有戒乎其人其事。其人其事爲誰。推之于天下人天下事無不可。